



RELATION

*Veritabl ha profitabl evit an oll da ober reparation
da Zoue demeus, ar sacrilejou ha profanationou a
goumeter a enep e Kajeste, abalamour d'ar c'hrimou
coumetet er bloa-mâ gant pêvar den maleürus e parres
Sant-Georch, tost da Libourn, én escopti Bourdel.*

Var ton Cantic an Eternite.

EN hano Doue, christenien, tostaat da glêvet
Maleuriou ar re vrasa a zo bet c'hoarvezet
Gant pêvar den dirollet coumetet ar bloa-mâ;
Lacat a reont an eê, en douar da grena.

Qent commanç e c'houlennàn pardon digant Done,
Eus ar Verc'hes gloriñs, Zent hac an Æle;
Gant aoun rac justic Doue ne zeue d'am punissa;
Va c'halon ous e gompren a zeu d'en em ranna.

Ennoc'h, Mam truezus, e lacàn va esperanç
Evit ma em bezo digant Doue asistanç,
Ma hellin dre ho sicour çavet ar sclérigen
Da explica qement-mâ etouez ar gristenien.

Mont a ran da goumanç discléria en antier,
Pa ro din asistanç va Doue hor Salver,
Ar maleuriou erruet en escopti Bourdel,
Er barres eus a Sant-Georch, an ugent a ebrel.

Er barres-se e voa ur Person, un den sautel,
A asiste ar beorien gant ur galon fidel,
Dre ma voa carguet ar vro a guernez ha miser,
E soulage ar paour balamour d'hor Zalver.

Pêvar den maleürus, goude dibri o danve,
Renoncet da Jesus, abandonet o ene,
Evit servicha Satan leun a fallagriez
A lacas en o speret da vonet da laëres.



Ar pêvar brigant-mâ a goncluas neuze
 Dont da dy ar Person, pa vouient an doare :
 Gantàn emâ an alc'hoesiou demeus ar sacristiri,
 Ha ny a yêlô en nôs da laërez an Ilis.

Clêvet pebes ardou o deveus invantet
 Abers an drouc-speret evit na vint get anavezet,
 Mont da brena cos dillat, en em guisca en bevien,
 Ha mont da dy ar Person da c'houlén an aluzen.

Ar Person carantezus o recevas neuze
 Evel mempron Jesus en e dy gant carante,
 A roas dezo da goania, hac en deus o loget,
 Hep consideri ar sonch eus an dud miliguet.

Ous en em gonclui, hep sonjal d'ar repos,
 Neuze in bet savet vardro an anter-nos,
 Forcet o deus ar gampr elec'h edo ar mevel,
 Hac o deus-én massacret eus a doliou countel.

Neuze teujont d'ar plac'h cousquet en e gouele,
 O deus-hi massacret hep caout outi true;
 Beuzet oll'en e goad, astennet var leur an ty,
 Ha laquet en ur bern hac ar mevel hac hi.

Neuze o deus pignet ebars cambr ar Person,
 O deus-én garotet hep caout compassion,
 Staguet en ur gador hac e dreid bars en tan,
 Laeret an ale'houeziou qemeret digantàn.

Hac o deveus laeret an oll arc'hantiri.
 Ar pêvar maleürus a yas d'ar sacristiri,
 Croasiou arc'hant, lampr, calizr, hac ezancquerou,
 Chapou, ornamanchou eus an oll auteriou.

Ar pêvar maleürus gant an diaoul possedet,
 A yas d'attaqi Jesus en tabernacl beniguet;
 Ar soleil, ar ciboar o deveus qemeret,
 An hostiou adorabl o deveus profanet.

Gouelomp oll, tud devot, pere a gar Jesus,
 O velet un torfet cruel ha maleürus,

Pini laça an êc, an douar da grena;
Selaci a ra va goad, n'allàn mui explica.

Crena ra va c'halon o velet an dud 'maleürus
O fouli gant o zreid corf santel va Jêsus;
Ne ouñ penaus Doue pa zeu d'o funissa,
Pe diguerl an douar evit crenn o lounca.

Holla! tud maleürus, bourrevien arraget,
Petra rit da gorf Jesus en deveus hõ crouet?
Goassoç'h oc'h vit Judas pehini zo daonet,
D'attaqi var e dron hor Zalver beniguët.

Retorn a ra breman ar pêyar den cruel
Da zisques d'ar Person an ornamanchou santel;
En instant m'o guelas, e rannas e galon,
Ma commanças d'ober dezo instruction.

An den santel affliget a lavaras deze:
Pa n'oc'h eus aoun razõ, bezit ous justiç Doue.
An arrach en o c'halon a zo bet antreet,
Hac unan gant ur gontel en deus-én dibenuët.

E beun santel hac e gorf o deveus bet taolet
Ebars en un tan bras evit boza dêvet,
O soujal pen eus biqen na vijent disoloët:
E vont aour, e arc'hant o deveus bet laëret.

Mes Doue, ous pehini ne zeus netra cuzet,
A bermetas ma vije o c'harimou anavezet,
Ma teuas eus ar barres daou-den en un instant
Da glasq an autrou Person da gaç er Sacramant.

An dud-mâ pa veljont an dorjou digoret,
Hac an ty leun a c'hoad, o c'halon zo rannet;
Mont rejont d'avertissa an oll amezeyen,
Ma teuas prest gante vardro daou-uguent den.

Pa antrejont en ty, o c'halon zo rannet
O velet an tan bras pini voa alumet,
Hac ar Person en e greiz a voa cazi dêvet,
Ar plac'h hac ar mevel en o goad astcunet.

Garrotet voent fieuze hep caout compassion,
 Cunduet da Libourn ha laqet er prison,
 Aben seitec deiz goude o froces zo juget,
 Dre arrêt ar parlamant da vezà punisset.

Condaonet voent neuze gant parlamant Bourdel
 Da gaout ar guistion vit o c'hrimou cruel,
 Rostet betec o daoulin, truez voa o c'hêvet
 O crial, o vouela, oc'h ansap o fec'het.

Neuze voent condaonet ar pêvar den miserabl
 Gant torchou alumet d'ober amand enorabl;
 Gant un durges o ivinou dezo a voe tennet,
 Ha troc'het o biziet, truez voa o c'hêvet.

Neuze var ar blacen e voent bet cunduet,
 Laqet en o c'herc'hen peb a rochet souffret,
 Laqet e pêvar dan evit beza dêvet,
 Hac al-ludu anezø gant an ayel guentet.

C'houi, tadou ha mamou o devez bugale,
 Disqet-o da veva e carante Doue,
 Evit, goude'r maro, ma zeot oll da repos
 Gant a Zent hac an Ales e gloar ar Barados.

CANTIC SPIRITUEL

*Var sujet Apparition ar VERC'HEs en Escopti a
 Artois, an devez genta a vis Even 1768.*

Var ton : *Guerz Sant Ugen.*

MEulet ra vezø an Dindet, Tad, Mab, ha Sperei-Santel,
 Ha c'houi ive, Guerc'hes fidel, pa oc'h eus en em
 apparisset

C'hoas etoues ar gristenien, evit gallout o zouten.

Aboe moc'h eus ganet ho Mab ebars ur c'hraou distér,
 Biscoas den e nep carter n'en devoe'n enor d'ho quelet,

Nemet er bloa-màn eurus oc'h en'em disqueset, Mam
Jesus.

Didostait amañ, christenien, c'houi tud devot da Vari,
Da renta ho meuleudi d'ar rouanes souveren,
En escopti a Artois en deveus laqet calz a joa.

'Er vilagen eus a Moutier un den honest bras meurbet,
Pinvidic bras en effet, pehini a gare Doue,
E joa voa da soulagi ar beorien en o annui.

Sulvui ma roe an aluzen, sulvui e cresse e zañve,
Benediction Doue zo varnezo a dra certain,
Pa soulage ar memprou eus a Jesus hon Autrou.

An den-mâ en devoa pedet gerent hac amezeyen,
An deiz genta a vis even, da zont da ober ur banquet
Eus ur c'hontrat en devoa da zimizi ur map dezâ.

Pa edo ar gompagnunez tout ous an dol o coania,
E teuas da c'houlenn loja hor mam biniguet ar Verc'hes,
Hep beza anavezet, rac paour bras e voa guisquet.

Etre e divrec'h e tougue oll joaustet au Æle;
Silvidiguez ar bed-oll, Jesus-Christ guir vap da Zoue;
Gant ur visach caër ha charmant, ha paour bras, e
guiscamant.

En instant m'e deus goulenmet digant ar mæstr
eus an ty,
Va logit, me ho suppli, evit un nos, mar permetet,
Elec'h ma vo ho polonte, paet viot gant Doue.

An den-mâ leun a garante en andret ar beorien guez
En deus lavaret d'ar Verc'hes : ya, hep ma e anaye,
Ya, emezàn, deut en ty, me lojo ho mabic ha c'houi.

Dre an dorn en devoa-y qemeret, ha laqet da azeza;
E-unan a guemeraz Jesus hor Zalver biniguet,
D'e lacat var e varlen; hemàn an enor, christenien !

Sulvui ma sell ouz ar c'hrouadur, seulvui caëroc'h
er c'hâve,

Ravisset voa e ene, e galon zo en plijadur,

O velet ur mabic qer charmant, qer cñer, qer ravissant.

E-unan e devez-y pedet : debret, ivez emezàn,
 Mes hy en trugareca, ne devoa na naon na sec'het;
 Mes calz a blijadurez o velet ar gompagnunez.

Pa voa ar repas achuet, e c'houlennas diganti :
 Leveret, me ho suppli, a belec'h oc'h, mar permiel.
 Ha pezh hano oc'h hanvet, ive da belec'h e zet.

A noblañz vras ouñ, emezi, guinidic a Galilee,
 Evit lavaret ar virione, a dra sur ouñ hanvet Mari,
 Hac e zou deñt gant va map, da zigañ ur c'hélou mat.

Ur mignon amez emezi, a dle caout un heritach,
 Ha c'hoas ive davantach, ar propriete bars en e dy,
 Pa zeñ bet trugarezuz en andret mempron Jesus.

Ar re-zo o devez pedet ha gounezet evit la
 An heritach ar c'heer, peñui a dle da gaouet
 Qent m'achuo an eiz de, songet mad e qementse.

An den-mañ hep beza songet neuz bars ar recit-ze
 Qer profitabl d'e ene, outi en devez goulennet.
 Ha bras voa ar baourente dre ar vro ma tremene.

Pegement benac, emezi e zeñ facht hon Doue
 Ous ar pec'her, nos ha de ne ra fiemet e offanci,
 Eñ prest c'hoas da rêi pardon, mar goulennont a galon.

E bourvoar hac e vadelez zo en tu-all d'ar valiç;
 Mar meritomp ar supilç, ema c'hoas leun a vadelez,
 Ne vanq qet da fournissa peadra evit beva.

Ar gurun en deus gourdrouset ha rivinet o tier,
 Ar grisil hac an avel en deus iffamet ar c'harter,
 Ar glao hac an dour qer bras ne voe gulet ennàn hiscoa.

Un nombr bras a vatimanchou a zeñ collet dre ar mor,
 Hep gallout en em sicour, ar maro subit a veler
 O c'az hoc'h amezeyen d'an douar a dra certen.

En ur guer, brezel ha qernez a veler dre ar charter,
 Hac ive qement malheur pere a erru gant ar pecher,
 Ze avertissamanchou a erru abeurs hon Autrou.

Mes va mignon, me ho suppli, dalc'hit sonch eus
va c'homzou,
N'int qet faribolennou pere a allet da ziferi,
Gant Doue int lavaret da zisléria var ar bed.

Teir bloavez ho po assurét en abondanç a bep traou;
Qement a rancor da veva an oll a vo rejouisset,
Guinis, segal ha peb had, tout e vezo marc'hat mad.

Qement vezo o commerci a vo oll rejouisset,
O velet ané calonec, hep tristidiguez nac annui,
Ebars e rouantelez Franc e vezo rejouissanç.

Un abondanç a faveuriou a zisqenno eus an êe;
En em rejouissomp, bugale, Doue a royo deomp
c'hraçou;

Goulennet ountàn pardon, ha pedet-èn a galon.

Na guemerit qet va c'homzou da fablennou, mar qerit,
Qer guir emeus lavaret, evel ma zeot abeq tri dez
Da vit Doue da repos en gloar ar Barados.

Hounes eo ar succession a dleac'h-hu da gaout,
Evel ma meus dec'h lavaret, da Zoue e zoc'h guir
vignon,

O soulagi ar beorien guez e zept daviàn d'e bales.

Pa voa achuet o parlant gant ur volesti ar c'haera
E bisach carguet a joa evel an heaul a zeuas brillant
E guiscamant caër meurbet, an oll a voa soueset.

Ur c'honez an excellanta a lacas ebars an ty;
Meulet-ra viot, Mari, eürus bras eo tud an ty-màn
O velet ar vajeste ous a Jesus mah Doue.

En instant voa anavezet, Jesus hon roue guirion
A roas e venediction da guement a voa assamblet,

E presanç ar gompagnunez e plgn en êe gant an Alez.

An den-mâ voa qen estonet gant qeun d'ar Ver-
c'hes Vari,

Mantret e galon, na ell mui pa zonch piou en devoa
guclet,

Crial a re epad an nos : Mari, va c'hasset ganeoc'h.

Antronos vintin e varvas an den santel eurus-mân,
E ene gant calza joa a ya da velet hor Zalver,
Entre daouarn ar Verc'hes sacr, pa en devoa dalc'het
e Mab.

E bried hac e vugale gant laouenediguez bras,
O deus batisset var ar plaç ur chapel da vam hon Doue :
Ar Verc'hes a drugare a invoquer er plaç-se.

Ue nombr brasteus a viraclou a ra er plaç santel-mân,
Qement ya d'e bisita, oll e recevont e graçou.
Meulomp Jesus rouc an tron, ha Mari e vam guirion.

Didostait eta, Christenien, guir tud devot d'ar
Verc'hes,

Deut da recita bemdez ar chapelet e c'hurunen;
Grêt a bemzec boquet ros fleurissant er Barados.

C'houi, Rouanes ar guerc'heset ha guir Vam d'an Doue
beo,

Pedet evidomp betec ar maro, evit ma vezimp pardonet,
Ma ellimp mont da repos, ha d'o meulier Barados.

FIN.



E Montroulez, e ti LÉDAN, e traon ru ar Yur.